



## **Universitätsbibliothek Paderborn**

### **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de  
Antverpiae, 1664**

§. IV. Denique vt suis etiam dotibus contentus quisque sit, eas cum alienis  
ne comparet; nec si maiores tuis in alio compereris, illi inuideas.

**urn:nbn:de:hbz:466:1-13517**

non ingénium acutius, sed constantiorem voluntatem. Itaque tuo contentus viue, & tum demum viues, & viues placide.

## §. IV.

*Denique ut dotibus tuis contentus sis, eas cum alienis ne compara; nec si maiores tuis in alio compereris, illi inuidie.*

34. **V**erum, quod maximum in hac parte mortalibus negotium facessit, nec suo viuere contentos sinit, est quod alienam felicitatem inuidiâ liuoreque infectis aspiciamus oculis. Vnde tunc nostra nobis incipiunt displicere, dum quod magis placet, in alio comperimus. Placet plebeio homini modica quâ viuit res, donec opes in vicinâ domo conspicit: suum cuique ingenium scientiaque sufficit, dum alienum non attendit; vt autem attendit, turbatur animus, fluctuat mens, tempestas oritur illico maxima.

35. At, quâ id præter rationem est, si mentem aduertas? nonne iam id planè confecimus, fassique sumus, *Vnumquemque proprium donum habere à Deo, unum quidem sic aliud verò sic?* An non tibi ad dimensum liberaliter elargitus est Deus, quidquid ratione bonâ dandum censuit? An non is, qui etiam *ventis fecit pondus*, deditque quæcumque naturæ competebant, benè vt illi foret, tibi non benè pro tua conditione exactèque admensus est? quid ergo obmurmuras? Obmurmuras verò, alienis rebus curiosè nimis quod intendas oculos, & quod pessimum est, tuis compares.

36. Hoc itaque, si magnâ cum tranquillitate viuere desideras, primum tibi præceptum scias, vt numquam te aliosque inter comparationem instituas: nec si quas habes animi dotes, si quas opes, si quam agendi industriam, si quos supernaturales fauores, si quam virtutem aut leporem, si quam agendi elegantiā, vñquam illa conferas alienis. Verum vt tibi tecum benè sit, munificoque pro ijs largitori Deo sis gratus, neminē in rerum naturâ esse cogita, præter Deum beneficū, & te beneficij debitorem. Si nulli præterquam tibi valetudo bona, aut illud quæcumque ingenium, dotesque quantumvis tenues concessæ fuissent,

Nostras i-  
tes alienis  
semper cō-  
paramus.

Sed mali.

Hinc si vñ  
pro nostris,  
Deo simus  
ingrati.

sent, quanta te teneret rerum à te possessarum delectatio! vt gratus essem, alijs omnibus p̄positus & p̄latus! Iam verò integratum te facit comparatio, displicetque beneficium, quod non tibi soli Deus videatur fuisse beneficium: quasi verò tibi detratum sit, quod alijs pro diuinâ munificentia liberaliter est concessum.

*Sed si tua  
comparare  
vis cum a-  
lienis, con-  
para om-  
nia cum  
omnibus,*

At verò, si nihilominus p̄fractè comparationem vis insti-  
tuere, institue per me licet. Sed omnia æquâ lance ponderen-  
tur. Ac primò quidem non ea solum quæ tibi desunt cum alienâ  
abundantia trutines, sed & quod illum deficit, cum eo quod tibi  
abundantiori manu collatum est, etiam confer: & tum, si potes,  
querelas depone; dic sanè defraudatum te. In hōc enim nos  
fallimus, iniquique trutinatores alienæ felicitatis deprehendi-  
mur, quod mala nostra cum alieno bono conferentes, ex aduer-  
so etiam, nostram felicitatem alienis malis comparatam, non  
expendimus. Vrumque igitur appende; & ne Deo sis iniurius,  
tibique permolestus, etiam atque etiam expende.

*Et nō par-  
tem cum  
parte: hoc  
est tua ma-  
la cum a-  
lienis bonis.*

Deinde, vt hoc sedulò exequaris, non partem conditionis  
tuæ cum parte, sed totum tuum statum, cum eo quem alter ha-  
bet vniuersim compares velim, benè vt fiat comparatio. Id  
namque solum, quod tibi in vicini tui statu & conditione vehe-  
menter arridet, arripis; illudque cum eo, quod in tuâ viuendi  
ratione est molestissimum, ineptè confers. Interim difficultates  
eas quæ alterius statum p̄grauant, non consideras; minimè  
que tuis, quæ tua tibi fert conditio, commodis æquiparas aut  
componis? Quid igitur mirum si turbetur trutina ubi res tota  
male expenditur, nec lances æquâ ratione p̄grauantur? Tru-  
tinis tu defectum tuum, quodque tibi deft expendis alienæ op-  
positum abundantia & felicitati: non mirum certè hæc apud te  
quod p̄pondéret. Sed vicissim id, quo tu superas, eidem im-  
pone lanci quâ defectum tuum examinas; alienæ vero felicitati,  
etiam ea quæ secum fert incommoda, iustus trutinatores oppone;  
& vide sis, an libræ examine hinc & hinc eunte & redeunte,  
tandem ad justum æquilibrium accuratumque momentum de-  
ueniendum non sit.

*Nō omnia  
bona aut  
mala or-  
nibus dedit  
Deus.*

Sic res aguntur, Mortales. Nemini vni Deus dedit omnia:  
liberalis vt fuerit, omnia tamen distribuit cum alicuius rei de-  
fectu. Et verò ita distributa esse omnia oportuit, vt ante demon-  
strauimus:

strauiimus : varietas rerum & munerum , humano generi tam necessaria, id exigebat. Attende igitur, donorum à Deo cuique impensorum, in singulis varietatem & differentiam. Illi cui inuides, aut quem tibi prælatum quereris, ingenium magnum dedit Deus, valetudinem verò corporis admodum exiguum ; diuitias ingentes , sed caput infirmum ; sapientiam non vulgarem, sed vxorem insanissimam ; copiosam domum , sed filios impudentes , familiæque futuros opprobrium ; dignitatem conspicuum, sed summos qui dignitatibus annexi sunt labores ; hæreditatem amplissimam, sed litibus vnde impeditam ; donum orationis, sed scrupulorum vexas ingentes, tricasque intolerabiles ; plurimum gratiæ , sed & perturbationum haud adeo multò minus. Hæc alijs sic sunt distributa. Tibi verò minus quidem ingenij datum est, sed quietis longè plus ; minor quidem de diuinis mysterijs cognitio & scientia , sed maior erga diuinas res teneritudo & pietas sincerior ; minor est familia, sed filij ad virtutem facti ; exigua domus , sed vxor placida moribusque tuis accommoda ; dignitas non ampla, sed nulla fastidia ; conditio humiliis , sed yaletudo constans ; clientum raritas , sed somni tranquilli ; mensa non opipara , sed quam fames condit bene constituti stomachi ; denique pauper es, sed latus, sed tranquillus , sed curis vacuus. Hæc inquam omnia simul cum alienâ conditione confer , simul expende , & si potes deinceps adhuc conquerere. Quod si tamen pergis molestior esse & tibi & mihi.

40. Dic ergo , an vniuersim conditionem integrum quam habes deserere vis, eamque cum alienâ , prout est , integrâ commutare ? an tuo derelicto statu , in alterum quantus quantus est , vis demigrare ; sic vt bona malaque omnia quæ secum is fert, nullo rejecto suscipias ? Quid deliberas ? Quid caput obuertis ? Quin annuis ? Nolles sat scio : neque etiam id velle potes ex condicione ; illud enim statuimus, quemque suo statu contentū esse oportere ; & suum cuique esse optimum. Quod si igitur statum integrum commutare neque vis, neque verò etiam potes, cur quædam ex alieno vis decerpere, & quidem illa, alienam conditionem quæ componunt, tuæque non conueniunt? Ita sane est. Alienæ suspicor nos contemplari , vt ingrati simus , & ne de acceptis vi-deamur Deo gratias debere tantopere, tanta cum aspicimus no-

O o

Nolles totū  
tuum statū  
cum alieno  
commutare,  
re, aut ma-  
lē velle.  
Cūr ergo  
partem cū  
parte mis-  
tare vī?

bis

bis adhuc deesse. Nam ut præclarè D. Saluianus, alienis mente  
oculisque inhæremus, *Non quia si eligendi facultas esset, semper*  
*illa mallemus; sed quia usitatum est hoc humanae menti, cum intuea-*  
*tur illa semper que desunt.* Desunt autem ad plenam felicitatem  
omnibus, quam plurima.

*Nec D.  
Paulo quos  
habuit à  
Deo fau-  
res inuides,  
cur inuides  
vici?*

Verum, ut rem hanc penitus urgeam ; dic fodes, an dotes  
tuas statumque cum Diui Pauli conditione commutare vis? an  
Euangelium toto orbe disseminare, an ab hostibus urgeri, an  
detrudi in carceres, an tertio publicis flagellis excipi, an nau-  
fragus toto iactari ponto, an denique capitis condemnari? vel-  
lēm, inquis, si statū id mei ferret conditio. Verum neque pro  
concione dicere mē sunt partes; neque adeò litteris sufficien-  
ter imbutus sum, hæc vt audeam: neque ingenium suppetit, stu-  
dia tanta vt aggrediar. Bene est, sic tecum iudico. Verum, cur  
Paulo id quod in suā conditione felicitatis habuit inuides tu?  
cur non pateris eum in tertium cælum rapi, isthinc ad labores  
tam ingentes, animos etiam delaturum. pares? cur non pateris  
eum qui tanta subiturus est mala, deliciis nonnumquam frui?  
Patior, inquis; Paulo certè non malè volo, ei non inuideo, ne-  
que adeò de illo conqueror. etenim id scio, alia ipsi adiumenta  
danda, alias dotes, alias longè fauores impendendos esse, vt con-  
ditionis suā partes omnes expleat, quibus ego, vt mihi viuam,  
non indigo.

*Et si vici-  
no inuides,  
certe præter  
rationem  
id facias.*

Recte tulisti sententiam, at verò, hīc te iam teneo. Cur igitar  
vicini tui commodis inuides & obgannis, cùm ille non minùs  
Proprium donum suum à Deo habeat, quam Paulus suum? Cùm  
tecum tacitus loqueris, illud semper occurrit, diuitem esse il-  
lum, magno ingenio, litteris excellentem, res ei bene succede-  
re, felicem esse præte. Verum id etiam cogita, ideo datam esse  
ei hanc fortunam, has delicias, hæc commoda, vt labores, qui  
statui eius intercurrunt leniantur & ferendo sint: ideo ingestas  
opes, potentiam, dignitates, ingenium, eloquentiamque con-  
cessam, vt partes suas agat, & verò agat bene. An ergo si in sce-  
nam pro decoro induendæ sunt personæ, rusticæ vestes Regem  
vis induere, senatorias militem, militares vero Senatorem? Aut  
tu rusticum agere cùm debeas, tuāque parte contentus sis, nihil  
ominus Regia ornamenta, Regem acturo vis detrahere? amens  
sanctis, hoc si vis, aut illi si succenseas. Quemque suas partes  
agere,

agere, & parti agendæ contuenientes dotes habere, vt sapias, permitte. Neque quomodo suum munus expleat curiosus quære; tibi id non sit curæ, tuâ quod non interest. Si benè res suas agat, ideo fortunare illi vitam scias Deum, vt bene agere perseveret: sin vero perperam agit & peruersè; vt per beneficia rebellem sibi demoliat; aut certè vt quædam, quæ rectè malus cùm sit egit, hic ei compenset opera, supplicia æternitati reseruatus.

43. Quidquid sit, illud est certissimum, dotibus illis sublimioribus, maioriique ingenio non indigeret te, vt rem tuam agas, neque vt plebeiam vitam ducas, neque vt pensa trahas, neque vt colum obuolulas, neque vt textrinæ incumbas, si istæ tuæ sunt <sup>ges.</sup>
- Negue a-  
lienis doti-  
bus, in sta-  
tuo indi-  
ces.
- partes; neque adeo, vt orationi vaces, & Deo placeas. Non multâ memoriâ opus est, vt memineris à Deo esse te quod es; illudque tibi longè optimum esse quod es. Hoc tibi planè persuasum habeas, non minùs Deo gratam esse simplicitatem tuam animique hebetudinem, quam præcipuorum in orbe capitum acutissima ingenia; neque minùs Numini arridere humilitatem abiectionemque tuam, quâm doctiorum elatas voces; neque adeò minùs exaudiendum te, vulgari minimeque sublimi plebeiorum orandi methodo cum insistis, quâm si altissimarum rerum plenis Deo supplicas argumentis. *Sufficiat tu Deo*, inquit D. Cyprianus, itaque *sufficiat tibi Deus*. Sufficiat, inquam, quod tibi dedit Deus: dedit enim quod sufficeret. Simplicitas hæc, altissima Theologia est simplicis ut sese appellat Thomæ à Kempis. Is piè ad Auctorem suum conuertens animum, *Omnia ex te*, inquit, *Igitur tuus gaudet.*
- D. Cypr.  
de Alcen.  
Dom.
- Thom. à  
Kemp. l. 3.  
de Imit.  
c. 22.
- ideo in omnibus laudandus*. Quô pactô id consequitur? nimirum quia is est Deus, errare qui non possit: iam vero *Tu sis quid unicuique donari expediat;* *dicitur ille minus, ille habeat amplius, non est nostrum sed tuum hoc discernere, apud quem singulorum definita sunt merita.*

44. Hæc summa demum sapientia est; præter quam, alias mihi tibi deesse, libens patiar. Scio, si præstantiores animi dotes mihi contulisset Deus, iis abusurum fuisse me, aut saltem pro dignitate, Deique honore eas non impensurum. Si magis ab ingenijs scientiarumque excellentiâ orbi fuisse conspicuus, animos plus quâm par est, & superbè nimium extulisse; damnationi parandæ fuisse instrumenta dotes illæ, aut saltem maioris san-

ctitatis procurandæ impedimenta. si in rebus agendis maior mihi fuisset industria, maioribus etiam implicandus eram laboribus & tædiis, nam in multâ sapientia, multa est indignatio; *& Eccles.*  
*qui addit scientiam addit d' laborem,* vt recte admonet experien-

tia doctus Salomon. Itaque sic sint omnia, pro ut sunt. Si alio plus acceperim, plura habeo quæ reprendam Deo; si minus, mi-

nus habeo quod respondeam, aut de quo rationem dem. *Omnia*

*Ideo & de alienis do- tibus Deo gretulare.* *ex te magne Deus, omnia ex te Sapientia infinita, & ideo in om- nibus laudandus.* Tam laudandus ob id quod habeo, quam quod non habeo, aut alijs habet præ me. Meò ego contentus viuam;

& quod mearum est partium sedulò exequar. Fructus quos mea

tellus fert, meum ingenium, mea hebetudo, mea simplicitas, ac-

curabo ut ad maturitatem excrescant. Lætus interim tibi & ex

animo gratulor immense Deus, alias esse sublimiores mentes,

quæ tibi obsequia præstantiora deferant; alios esse in cælis Ge-

nios, qui profundius te cognoscant, intimius ament, & verò et-

iam laudes, tanto Numini conuenientes, pro dignitate decan-

tent. Hoc tibi, donec Angelicis iungar choris, pro tenuitate

meâ simplicitateque supplex decantabo; *Dens meus es tu, in ma-*

*nibus tuis fortes meæ.* Interim Tuus viuo, & Tibi viuo.

Psal. 30



TRACTA-

290